

恪靖奏稿續編卷五十六目錄

出力員弁兵勇請獎摺

雷正綰李輝武請獎片

范銘請開復原官片

出關諸軍餉數糧價運腳辦理情形摺

山西應協高武軍駝乾銀兩請歸西征糧臺搭解片

恩賞高武軍皮衣銀請撥欸給領片

出關各軍運腳難拘定例片

河州南鄉回叛圍剿大勝摺

嵩武軍在哈密墾荒片

出力員弁兵勇請獎摺

奏爲官軍克復巴燕戎城擒獲叛逆及剿滅河州竄賊
戡定各境諸軍分路截剿股匪殲滅淨盡地方肅清出
力員弁兵勇彙案保獎仰祈

聖鑒事竊臣於同治十二年二月二十九日會奏克復
巴燕戎城擒獲叛逆馬桂源等一摺奉

上諭其餘出力員弁著左宗棠彙案保奏等因欽此伏
查前於同治十年十月二十六日奏報南路官軍追剿
河州竄賊獲勝一片奉

上諭南路各軍已將河州竄出回股追剿殆盡尙屬出力准由左宗棠彙案擇尤保獎欽此十一年四月三十日奏報北路零匪肆竄經管軍節次截剿獲勝殲滅殆盡請將出力員弁擇尤保奏一摺奉

上諭雷正綰蕭章開成定康所部出力各員准左宗棠擇尤保獎以示鼓勵欽此十一年六月二十五日奏報甘南剿辦零匪一片奉

旨知道了著仍飭各路官兵妥籌防剿毋稍大意出力各弁

著准其擇尤保獎毋許冒濫各等因欽此臣維河湟表裏互爲聲應荒邊闊絕用兵至艱賴統領將士深入轉戰勦撫兼施河州底定巴燕戎格地方種人繁雜巖壑深阻叛逆馬桂源等遁踞其地意圖結黨西竄復由河州各軍乘勝取道番地縋幽鑿險直搗廳城斷其去路逆首悉數就擒糜爛之區倏臻底定又上年河回撫定其逃匿河州之著名克悍各逆狗齒牙馬才棕李萬海等股以窟穴已空避匿無所仍偷竄北路爲賒死計旋經北路各防軍分道窮追將首要各逆及悍黨一律殲

除淨盡北路肅清所有前後各案在事文武將領士卒
不憚艱辛實屬勞烈卓著茲據各路統領開具清單請
獎前來臣詳加覆核雖人數較多不忍稍有掩抑謹核
實甄錄以示激勸除將擬保藍翎千總以下各弁照例
咨部註冊外所有此次在事出力文武員弁均係臨陣
打仗克復城池擒斬要逆邀免填註考語謹繕清單恭
呈

御覽合無仰懇

天恩俯准照請給獎以叙前勞而策後效伏乞

皇上聖鑒訓示謹

奏同治十三年七月

硃批另有旨欽此

雷正綰李輝武請獎片

再陝西固原提督雷正綰久役關隴戰績最多自蕩平
金積堅巢以後率軍回駐固原殲除鹽固東西兩山各
起悍回渠目甚多北路肅清勦勞卓著新授甘肅提督
本任漢中鎮總兵李輝武力扼秦蜀楚三省邊要地方
截游匪竄回捕斬潰卒功績最偉北路南路肅清實資

續編名王
三
厥力應請

旨將陝西固原提督達春巴圖魯雷正綰新授甘肅提督本任漢中鎮總兵法福凌阿巴圖魯李輝武均賞給頭品頂戴以彰勞勩可否之處出自天恩謹附片具陳伏乞

聖鑒訓示謹

奏 同治十三年七月

硃批另有旨欽此

范銘請開復原官片

再提督銜記名總兵強勇巴圖魯范銘前因所部勇目
尤芝政安桐貞師仲筵楊朶會尤得祥等因裁併成營
不受約束鼓眾潰變經臣督飭各軍分別勦撫立將尤
芝政安桐貞軍前正法陣斬楊朶會尤得祥等多名事
遂定其時范銘已早避匿土司楊元處因首要各犯伏
法餘眾准撫乃詣營自陳請罪臣以范銘因收集土勇
過多冗雜粗獷本不易制范銘雖隨時勉圖鎮壓而事
柄下移勢已積重難返棄軍避匿咎雖難辭勢非得已
臣比飭將撫定餘眾分爲十六營交前福建布政使王

德榜統領其隨營老弱婦女擇地安插一律給賑並飭
范銘赴王德榜軍前聽候差遣該弁勇等自撫定後奉
令唯謹遇有調派踴躍爭先閒有桀黠之徒經王德榜
隨時察明懲處營規益肅據王德榜稟稱范銘自奉派
差委後深知愧勵於剿捕諸事匹馬當先屢有擒斬漢
回番民遇有爭執之事范銘從中調處猜嫌盡釋此次
河州底定著有微勞

臣覆核無異伏懇

天恩免其查辦仍以原官留營聽候差委范銘仰荷
聖慈益當感奮圖報而甘肅軍政修明軍情益服於邊

方不無小補愚昧之見是否有當謹附片陳明伏乞
聖鑒訓示謹

奏

硃批兵部議奏欽此

利權入而漸衰故曰

榮

聖德隨不請

又水無小洲而利也利其國者利其民

軍機大臣 字寄同治十三年七月十三日奉

上諭景廉奏馬隊官兵暫難分撥並請飭設法轉運接濟大軍一摺吉爾洪額等馬隊既據景廉奏稱暫難抽撥卽著俟金順到古城後悉心商酌設法分撥勁旅前赴西湖助剿金順業已出關劉宏發步隊五營先赴坤城該軍口糧已經景廉籌撥接濟惟後路大軍皆以轉輸不繼停留於安玉等處現在事機正急各軍豈容阻滯中途著左宗棠懍遵疊次諭旨設法速爲轉運俾資飽騰毋稍缺乏本日已有旨授景廉爲欽差大臣金順

爲幫辦大臣新疆事宜該大臣等責無旁貸金順現在
行抵何處著迅速先行赴古城與景廉籌商進兵機宜
金順一抵古城卽著迅速奏聞以慰廛系榮全兵力尙
單逆回疊犯西湖等處並著該都統妥籌兼顧以期聯
絡聲勢俾壯軍威刻下大軍陸續西行餉需不容稍緩
著戶部速籌有著之款源源撥解毋令停兵待餉致誤
事機將此由六百里各諭令知之欽此

出關諸軍餉數糧價運腳辦理情形摺

奏爲出關諸軍餉數及糧價運腳現籌辦理情形謹遵
諭旨陳明仰祈

聖鑒事竊臣前奏出關諸軍餉數及糧價運腳應由戶
兵兩部會議一摺聲明除額爾慶額所統馬隊金順所
統馬桂增一營糧餉腳價由臣與穆圖善餉項內劃給
毋庸另籌外其金順張曜宋慶等出關各軍餉糧應否
酌中定議俾諸軍餉饋有著嗣准部覆金順張曜宋慶
應各將該軍所需正餉糧料等項查照例章並體察關

外情形每月實需銀若干並原撥餉項分晰咨報由臣
奏明再由臣核辦等因已經奏明奉

旨依議欽此臣比恭錄並鈔部文飛咨金順張曜宋慶
欽遵辦理頃接張曜咨報所部嵩武軍馬步十四營接
人馬實數每月應支淨糧料四十三萬六千九百五十
斤其管駝騾差弁夫長應支食之銀糧駝騾應支食之
料尙不在內該軍由河南應餉計每月照章應得正雜
餉銀三萬七千二百八十餘兩若將糧料價值轉運各
費攤扣不但全軍無餉且欠數甚鉅應請奏准將該軍